

---

## ПРЕСС-ТУР

Америкалик бир гуруҳ оммавий ахборот воситалари вакиллари, журналист ва блогерлар Марғилон шаҳридаги “Хунармандлар маркази” фаолияти билан яқиндан танишдилар.

Марғилон - Фарғона водийсининг туристик манзилларидан бири. Хунармандлар маркази эса ушбу шаҳарнинг сайёҳлик салоҳиятини оширишга хизмат қилади.

"Forbes" журнали мухбири Мелик Кайлан, депутат Ари Карган, журналист Исааксон Энди Самуэль, "The Bukharian Times" газетаси бош муҳаррири Рафаэль Некталовлардан иборат ОАВ вакиллари ҳам хусусий тадбиркор, сенатор Иброҳимжон Султонов раҳбарлигидаги ушбу марказда бўлиб миллий матоларимиздан бўлган атлас ва адрас тўқиш жараёнларини иштиёқ билан кузатдилар.

Меҳмонларни вилоят ҳокими ўринбосари Хуршид Аҳмедов ҳамда шаҳар ҳокими Адҳам Зиявитдиновлар қарши олди.

- Марғилон асл уста хунармандлар шаҳри эканлигига бевосита гувоҳ бўлиб турибман, дейди, "The Bukharian Times" газетаси бош муҳаррири Рафаэль Некталов. – Бу ерда биз матога гул чизишдан бошлаб уни тайёр ҳолатга келиш жараёнларига гувоҳ бўлдик, рости ҳайратимиз чексиз. Шаҳар ҳокимига эса камалак рангларида товланувчи миллий матолар тухфаси учун ўз миннатдорчилигимизни билдарамиз.

Дарҳақиқат, марказда маҳсулотларнинг сифати юқори. Асл ипакка табиий бўёқлардан гул чизиб мато тўқилади. Шу боис бу маҳсулотлар харидоргир.

Гидамлар асосан Туркияга, атлас, адрас матолар АҚШ, Италия, Франция, Россия, Қозоғистон, Тожикистон каби мамлакатларга экспорт қилиниб келинмоқда.

2022-09-05 18:21:12